



De Sjravelerre Gezit

Redaksie:
Jos Benden

In dit bezeunder jaor zal veer uch règelmaotig via dis gezit op de huugte hoate wie of wat

Waffelaksie alling op besjtilling

Dur de nuuj maotrègele die aafge-loape mondig van krach zunt gewore kin veer neet langs g'n deure komme mit os waffle.

Mè deer kint ze waal besjtille en waal via ut ie-meel adres waffle@desjravelerre.nl of tillefoonnummer 043 - 457 2431 of dur è berichske te sjrieve op os Feesboek pagina.

Dat besjtille kin och nao 19 dees-sèmber nog mè ut leefste vúr 31 deessèmber.

Loor op de websaajt en de Feesboek -pagina van de Sjravelerre welke waffle dat besjtill kinne were.



Kiek och ins op:
www.desjravelerre.nl
en veer zunt och te
veende op Feesboek



Program 2021

Wie ut d'r noe nao oetziet zal dit ongeveer ut program were vur de kommende Vastenaovend. Haot vur de detajs de websaajt, feesboek en Sjravelerre Tillevies in de gate.

pus 31 dec.	Waffelaksie
23 jan.	Laajf oetzending van Sjravelerre Tillevies vanoet d'r zaal
30 jan.	Roondgaank
31 jan.	Keendermiddig
12 fib.	Karnevalsquiz
13 fib.	Kraankebezoek
13 fib.	Aansjteëke
	Sjravelerre leech
14 fib.	Karnevalsmis
14 fib.	Sjpek&Ei Hèem
14 fib.	Keendermiddig
15 fib.	Roondgaank
16 fib.	Top 111
16 fib.	Oetmake
	Sjravelerre leech

Owwe Mhèerder sjpreuk:

*Negatief zie, is in dizze tied
bis positief !!*

De planne dur de nuuj maotrègele al drek oontrègelt ! De planne vur de Vastenaovend 2021

Ut SJTOM-team (Sjravelerre Outbreek Mennusjunt) hat vur de kommende Vastenaovend un gaans dèel ideeje op è riejke gezat, aangevuld mit hiele gojje inpoet vanoet d'r Prakkezeeraovend van 11 november. Die ideeje zunt oondertusje in de verf gezat en de hoofdeunte kint deer hie al leëze. Natuurlik mot veer al-tied rekkening d'rmit haote dat de situaassie roondum Corona kint veraandere en da zal veer mesjien och os planne motte aapaasse. Mè es deer dis Sjravelerre Gezit, ozze Sjravelerre Tillevies, os Feesboek-pagina en os websaajt in de gate blijft hoate da blif deer gaans op de huugte want dao zal alle nuujs, de nuujste ontwikkelinge en eventuele aanpassinge an ut program te veende zie.

Oonder ut motto van dit jaor: "Es deer neet nao de Karneval kint komme, da bring veer de Karneval pus bie uch", hub veer gekeëke nao è palet van aktevitèete die veer kinne organizere binne de besjtaonde maotrègele en mit os èege gezond ver-

sjtaand. Dao is oetgekome dat veer in plaatsj van de Jeugzitting op 3 jan. unne middig zowwe organizere vur de jeug. Mè dur de nuuj maotrègele hub veer dem noeëgedwonge motte op-sjuuve nao zoondig 31 jannewarie. Dao-euver kint deer urreges andersj in dis gezit miè leëze. D'r daag van de Groete Zitting, 23 jannewari zal un laajf evenemèent op Feesboek were oetgezonde mit gesjprekke mit hiel intersaante gasete, beelde van ow zittinge, è sjtukske Dörpskroniek en dat allemaol laajf vanoet ozze Sjrevellerre-sjtudio.

Op zotterdig 30 jannewari is ozze jaarlikse roondgaank. Want och al is dit jaor andersj es alle aander jaore, veer hubbe toch os oonkoste.

De Karnevalsdag zelf, dao zal veer in de volgende oetgaaf van dis gezit op truuk komme. Mè in groete lijne kint deer dat al in aaflevering 2 van Sjravelerre Tillevies truuk kieke op Facebook of Youtube. Wat veer waal alvas wille zigke is dat veer uch wille vraoge um mit de Karneval eur roet of roete aggen sjtraot



Karneval 2021: Aandersj es aandersj mè neet van de baan !

zowt wille versere in een of aander Karnevalsthema. Mit Karneval zelf zal os Preensepaar en d'r Jeugpreens dao de sjoenste oet-

oetzeuke en dao hink dan è hiele leuke pries an vas.

Veer weunsje uch vur noe alvas fieng fieësdaag en op nao 2021 !

Dit jaor toch Karnevals poosters

In vreuger jaore, en da hub veer ut uvver d'r tied vúr corona, doe how ut eeder jaor fieng poosters van os Preense. Dit jaor hub veer ging nuuj Preense mè toch wil veer uch waal poosters aabeeje um mit de Karneval aggen roet te hange.

Dit jaor neet mit de Preense d'rop, mè poosters gemak dur keender oet os dörp. Alle keender kriege un A3 pa-

pier hèem oe ze hun kreativiteit op los kinne lotte en da kinne ze deë pooster inlievere bie **Trudy Weusten - van Proemeren, Kastanjelaan 4**. Dat inlievere kint tot 16 jannewarie.

Bie os laajf-ievent op 23 jannewarie wurd dan bekint gemak welke poosters were aafgedruk en dan aagebooje were an de luuj mit d'r Roondgaank van 30 jannewarie.

Jubilarisse

Dit jaor hub veer zis jubilarisse. Vief 1x11 jöörige jubilarisse en ène 2x11 jöörige jubilaris.

Hie-neëve sjtunt ze: van leenks nao rèchts: René Willems, Luc Vandewall, Marc Gubbels, Jeroen Retrae en Roy van Gerven eeder 11 jaor lid en Patrick Quanten 22 jaor lid



Jeugmiddig oetgesjtild

In plaatsj van de Jeugzitting houwe veer dit jaor unne Jeugmiddig vur alle keender va Mhèer gepland op 2 jan. Dur de nuuj matrègele die mondignaach 14 deessèmber zunt eegegan kin veer dem neet lotte deurgoe op dèè zoondig. Mondigaovend nao de toesjpraak van ozze prumjee is ut SJTOM team drek biejeën gekomme um dit te besjpreke en zie hubbe besjlooëte dat ut versjtendiger is um dèè middig op te sjuuve nao zoondig 31 jannewari in d'r hoop dat dan de maotrègele get versoepeld zunt.

De plening wor èegelik dat alle keender va Mhèer en umsjtreke ut sjjnooënes zow kinne mitdoo

an unne hiele sjieke sjeurtoch dur ut dörp. In kling groepkes, begeleid dur unne volwaassene, zowwe zie un aantal ludieke Karnavelaske opdrachte goe vervulle versjpreid dur ut gaanse dörp. D'r loog och è sjlèech-wèer-senario op de plaank, zow ut vanzeleëve sjlèech wèer zie gewes. Natuurlik zow veer dit allemaol doe volges alle règelkes die dizze tied mit zich mit bringe en daobie och os gezond versjtaand gebroekend.

Dat is dus noe allemaol opgesjooëve nao zoondig 31 jannewarie en dao huurt deer tenge dèen tied da wer mieë euver. Ut is dan waal ging Jeugzitting, mè ut zal toch vur de jeug unne hiele sjieke middig were.

Laajf-ievent 23 jannewarie

In plaatsj van de Groete Zitting kump op 23 jannewarie get gaans nuujs i Mhèer. De Sjravelerre zalle dan vanoet d'r Sjravelerre Sjtudio un 'laajf-ievent' bie de luuj in de hoekamers bringe.

En dan mot deer deenke an un soort mix van moellejaan-sjow (in good Hollensj: talkshow) en owwer en nuujer beelde van zittinge, optochte en vanaal wat mit Karneval te make hat. En die beelde kinne dan och es introduksie dene vur de gaste die an de moelejaan-toffel gunt plaatsjname. Vur eeder onderwerp were un aantal gaste oetgenueëdigd die unne hielehoop kinne vertille uvver vreuger, huj en toekoms uvver dat oon-

derwerp. Dat gaanse gehiel zal dan laajf were oetgezonde op un aantal soosjel midieja kanale oer-oonder och Feesboek en Yoetjoeb. In d'r sjtudio zelf zal veer d'r uiteraard vur zörrege dat zich alles volges de coronarègelkes aafsjuult. Es alternatief vur de Groete Zitting leek os dat ing aardige oplossing.

Sjravelerre Tillevies

De uursjvollegende oetzendinge van Sjravelerre Tillevies zunt:
2 jan. Sjravelerre-Nuujs Ut litste nuujs en dis is kier mit Jeugzjoernaal.
3 jan. Sjraveleriej Vanallesenochget mit flauwe kööl en oonzeen
In de volgende Sjravelerre gezit mieë info.